



10. Septembari 2007

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqut: Ittoqqortoormiini oqaluffik aserfallassimaqisoq qanoq iliuseqarfigineqalersaarpa.

(Inatsisartunut ilaasortaqaq Ruth Heilmann, Siumut)

Tunngavilersuut:

Paasisassarsiorluna Ittoqqortoormiini paasivara oqaluffik 1928-mi sananeqarsimasoq assorsuaq aserfallassimasoq, sukkasuumillu ajorsiaruinnarluni. Taamaalisimaneranut pissutaavoq nuna qeriuannartuusimasoq klimap allanngoriartorneratigut oqaluffiup tunngavigisaa sisooriartulersimasoq.

Allanngoriartorneq ima sukkatigaaq pisoq pillugu nalunaarusiani pioreersuni allaatigisanit oqaatsitigullu anineqartartunit sukkanerulluniluunniit. Makku takussutissaapput: Igalaat matuneqarsinnaanngitsut, naqqup quppai silissiarortut, matut mapperuminaatsut oqaluffiullu tunngavia qulloortoq. Taamaammatt oqaluffik qipiartormat uinganera annertusiartuinnarpoq. Tamakkua saniatigut oqaluffiup kissarsuutaa ajortilluinnarsimavoq inuit orsussarsunnersuarmik ulikkaarlugit.

1. Suleriaaseq suna atoqqullugu Naalackersuisut sulisunut ilagiillu sinniisaannut siunnersuuteqarniarpat, Ittoqqortoormiini oqaluffiup tuaviortumik aqqikkallarnissaannut, aammalu iluarsiiqallannerit Namminersornerullutik Oqartussanit akilerneqarsinnaappat?
2. Nunatsinni oqaluffiit iluarsartuunneqartarnissaannik pissutsit maannakkut atuuttut malillugit tappavani oqaluffik qaqugu aserfallatsaalineqarniarpa?
3. Pissutsit taakkartorneqartut tunngavigalugit Naalackersuisut suleriarnissaminnut tunngavissaqalerpat, soorlu Naalackersuisuni ilaasortaqaq susassaartoq misissuisitsiniarpa, misissuinerullu inerneru susassaqartunut nalunaarusiarineqalersaarpa?
4. Naalackersuisut misissuisitsereerunik nutaamik oqaluffiortoqarnissaa pioreersup iluarsartuunneqarnissaanit pitsaanerussasoq naliliissappat?
5. Aningaasanut inatsisip 2007-imeersup Aningaasanullu 2008-mi inatsisissatut siunnersuutip ilusaannit allannguisinnaaneq Naalackersuisut mattussinnaavaat?
6. Ittoqqortoormiini oqaluffiup aserfallassimanera sulinermi avatangiisinut inatsit ajornartorsiortitsilersinnaava?